

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

Коми Республикаса Воркута карлөн торъя мутасын пемöсьяслөн бешенство серти дзескөдан мероприятияяс (карантин) урчитөм йылысь

«Ветеринария йылысь» Россия Федерацияса Оланпаслөн 3¹ да 17 статьяяс, «Пемöсьяслөн вуджан, сы лыдын торйөн öпаснöй, висьöмьяслысь, кутшöмьяс серти вермöны урчитны дзескөдан мероприятияяс (карантин), лыддьöг вынсьöдöм йылысь» Россия Федерацияса видз-му овмöс министерстволөн 2011 во öшым тöлысь 19 лунся 476 №-а да «Öлöдан, диагностика вöчан, дзескөдан да мукöд мероприятие збыльмöдан, карантин да мукöд дзескөдöм, кутшöмьясöс веськөдöма сы вылö, медым видзчысьны бешенство паськалöмысь да бырöдны висьманіньяссö, урчитан да дугöдан ветеринарнöй правилöяс вынсьöдöм йылысь» Россия Федерацияса видз-му овмöс министерстволөн 2020 во вöльгым тöлысь 25 лунся 705 №-а тшöктöдьяс серти (водзö – Ветеринарнöй правилöяс), «Коми Республикаса Воркута карлөн торъя мутасын пемöсьяслөн бешенство серти дзескөдан мероприятияяс (карантин) урчитөм йылысь» Коми Республикаса видз-му овмöс да потребительскöй рынок министрлөн 2024 во урасьöм тöлысь 7 лунся представление подув вылын шуа:

1. Урчитны Коми Республикаса Воркута карлөн торъя мутасын пемöсьяслөн бешенство серти дзескөдан мероприятияяс (карантин) 2024 вося урасьöм тöлысь 7 лунсянь бешенствоөн висьны вермысь восприимчивöй медбöрья пемöсöс начкöм да (либö) восприимчивöй висьысь пемöслысь медбöрья шойсö бырöдöм да Ветеринарнöй правилöясөн урчитөм мукöд мероприятие нуöдöм бöрын 60 календарнöй лун кадколаст вылö.

2. Дзескөдан мероприятияссö (карантинсö) колö дугöдны Ветеринарнöй правилöясөн урчитөм мероприятияс нуöдöм бöрын.

3. Урчитны пемöсьяслөн бешенствоөн эпизоотическöй висьманінөн висьысь пемöслысь öшмöс меститчанінсö да висьöм босьтчöдысьлөн вуджан факторөн – бешенствоысь кувсьöм восприимчивöй пемöслөн шойсö, кутшöмöс аддзöма «Воркута» кар кытшса муниципальнöй юкöнын «Öтйöза мутасьяс бурмöдöм» муниципальнöй сьöмкуд учреждениелөн контроль да лэдзан пункт мутасын татшöм пельöса чутьясөн географическöй координатьяса мудорьясын: 67.50385 войвыв широта, 63.948323 асыввыв долгота, 67.503865 войвыв широта, 63.948575 асыввыв долгота, 67.50376 войвыв широта, 63.948516 асыввыв долгота, 67.50378 войвыв широта, 63.94831 асыввыв долгота.

4. Индыны омоль пунктон эпизоотическӧй висьманін дорын мутассӧ, эпизоотическӧй висьманінлӧн мудоръяссянь 1 километрӧдз радиусӧн эпизоотическӧй серпассӧ, месталысь ландшафт да география боксянь аслыспӧлӧслунъясӧ, индӧм мутасын меститчысь овмӧсьяс костын овмӧс, транспорт да мукӧд йитӧд тӧд вылӧ босьтӧмӧн.

5. Дугӧдны дзескӧдан мероприятиеяслӧн (карантинлӧн) вына периодӧ:

1) эпизоотическӧй висьманінын:

висьысь восприимчивӧй пемӧсьясӧс бурдӧдӧмсӧ;

бокӧвӧй йӧзӧн мутасӧ волӧмсӧ, уджалысьяс кындзи, кодъяс збыльмӧдӧны производственной (технологическӧй) операцияс, сы лыдын восприимчивӧй пемӧсьясӧс видзӧм серти, госветслужбаса специалистъяс да висьманін бырӧдны корӧм уджалысьяс, йӧз кындзи, кодъяс олӧны да (либӧ) недыр кад кежлӧ воисны мутасӧ, кутшӧмӧс шуӧма эпизоотическӧй висьманінӧн;

восприимчивӧй пемӧсьясӧс вайӧмсӧ (пыртӧмсӧ), нуӧдӧмсӧ (петкӧдӧмсӧ), восприимчивӧй пемӧсьясӧс нуӧдӧм кындзи, кодъясӧс вакцинируйтӧма бешенствоысь нуӧдтӧдз 179 календарнӧй лун чӧжӧн, сы лыдын начкӧм вылӧ пемӧсьясӧс начкан предприятиеясӧ либӧ тайӧ могъяс вылӧ оборудуйтӧм начкан пунктъясӧ;

восприимчивӧй пемӧсьясӧс мӧдлаӧ вуджӧдӧмсӧ да выль пӧв группируйтӧмсӧ;

восприимчивӧй пемӧсьяслӧн шойясысь кучик кульӧмсӧ;

восприимчивӧй пемӧсьясӧс кыйӧмсӧ, кутшӧмъясӧс пыртӧма кыйсян-вӧралан озырлун лыдӧ, кыйсян-вӧралан озырлунлысь лыдсӧ ладмӧдӧм могысь кыйсьӧм кындзи;

2) омӧль пунктын:

ярмангаяс, выставкаяс (вузасьӧмъяс) да мукӧд мероприятие нуӧдӧмсӧ, кутшӧмъяс йитчӧмаӧсь восприимчивӧй пемӧсьясӧс новлӧдлӧмкӧд да чукӧртӧмкӧд;

восприимчивӧй пемӧсьясӧс нуӧдӧмсӧ, восприимчивӧй пемӧсьясӧс начкӧм вылӧ начкан предприятиеясӧ либӧ тайӧ могъяс вылӧ оборудуйтӧм начкан пунктъясӧ нуӧдӧм либӧ восприимчивӧй пемӧсьясӧс нуӧдӧм кындзи, кодъясӧс вакцинируйтӧма бешенствоысь нуӧдан лун водзын 179 календарнӧй лун чӧжӧн;

вӧрса восприимчивӧй пемӧсьясӧс зоопаркъясӧ нуӧдӧм могысь кыйӧмсӧ.

6. Урчитны, мый пемӧсьяслӧн бешенствоӧн висьманінсӧ бырӧдӧм серти торъя мероприятиеясӧ, кутшӧмъясӧс урчитӧма Россия Федерацияса ветеринарнӧй оланпастэчасӧн, збыльмӧдӧны Ветеринарнӧй правилӧяс серти.

7. Коми Республикаса видз-му овмӧс да потребительскӧй рынок министерстволы вынсьӧдны бешенстволысь эпизоотическӧй висьманінсӧ бырӧдӧм да висьӧм босьтчӧдысьлӧн паськалӧмысь видзчысьӧм серти мероприятиеяслысь план.

8. Тайӧ Индӧдыс вынсялӧ сійӧс официальнӧя йӧзӧдан лунсянь.

Коми Республикаса Юралысь

В. Уйба

Сыктывкар

2024 вося урасьӧм тӧлысь 7 лун

11 №